

Broj: 01-04-6-02219-6/2021
Sarajevo, 8.12.2021. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke broj 01-04-6-02219-5/2021 od 7.12.2021. godine, Direktor Federalne uprave za inspeksijske poslove, u ime ugovornog organa donosi

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka komisije za javne nabavke uprave broj 01-04-6-02219-5/2021 od 7.12.2021. godine, te se ugovor o nabavci roba – informatička oprema- Software/licence (lot 2) dodjeljuje ponuđaču „Elur“ d.o.o. Kiseljak, čija ponuda broj 150/21 od 2.12.2021. godine je u skladu sa kriterijem najniža cijena po provedenom otvorenom postupku uz primjenu e-aukcije ocijenjena najpovoljnijom.

Član 2.

Ugovor sa ponuđačem „Elur“ d.o.o. Kiseljak, zaključit će se pod slijedećim uslovima:

- Ukupna cijena bez uračunatog PDV-a 25.970,00 KM, odnosno 30.385,90 KM sa uračunatim PDV-om
- Rok isporuke svih roba koje su predmet ugovora je 31.12.2021. godine
- Mjesto isporuke roba je sjedište ugovornog organa u Sarajevu, Fehima ef. Čurčića broj 6
- Ugovor će se zaključiti na period do izvršenja predmeta ugovora, odnosno isporuke svih roba koje su predmet nabavke
- Rok plaćanja je 30 dana od dana prijema fakture za isporučene robe na protokol Ugovornog organa

Član 3.

Izabrani ponuđač iz člana 1. odluke je dužan u roku od 5 (pet) dana od dana prijema ove odluke dostaviti ugovornom organu dokaze zahtjevane članom 45. Zakona o javnim nabavkama, kojim potvrđuje da:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokazi koje će dostaviti izabrani ponuđač moraju sadržavati potvrdu da je u momentu predaje ponude ispunjavao uvjete iz člana 45. ZJN i odredbi tenderske dokumentacije.

Ukoliko izabrani ponuđač u roku ostavljenom stavom (1) ovog člana ne dostavi naprijed tražene dokaze u ostavljenom roku, odnosno ukoliko dostavi dokaze koji ne budu potvrđivali da je u vrijeme predaje ponude

ispunjavao uvjete iz člana 45. ZJN, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Na osnovu odluke direktora Federalne uprave za inspeksijske poslove broj 01-04-6-02219/2021 od 2.11.2021. godine pokrenut je otvoreni postupak uz primjenu e-aukcije za nabavku roba-informatička oprema Software/licence (lot 2). Predmetna nabavka je predviđena Planom nabavki Uprave za 2021. godinu, robe-redni broj 7, a procijenjena vrijednost nabavke je 30.000,00 KM bez uračunatog PDV-a.

Dana 12.11.2021. godine na Portalu javnih nabavki BiH je objavljeno obavještenje o javnoj nabavci, broj obavještenja 1292-1-1-19-3-15/21, a u Službenom glasniku Bosne i Hercegovine broj 71/21 je dana 19.11.2021. godine objavljen sažetak obavještenja. Tenderska dokumentacija je potencijalnim ponuđačima učinjena dostupnom na Portalu javnih nabavki.

Dana 3.12.2021. godine sa početkom u 12,15 sati izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su u ostavljenom zaprimljene ponude, kako slijedi:

Naziv/ime ponuđača	Ukupna cijena ponude (bez PDV-a)	Ponudeni popust
Konzorcijum „Lanaco“ d.o.o. Banja Luka i „Inteh“ d.o.o. Banja Luka	30.000,00 KM	Ne
„Elur“ d.o.o. Kiseljak	30.000,00 KM	Ne
„Kamer Commerce“ d.o.o. Sarajevo	29.998,90 KM	Ne

Neblagovremeno pristiglih ponuda nije bilo.

Zapisnik sa otvaranja ponuda je odmah putem pošte upućen na adrese ponuđača koji su dostavili ponude.

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera iste, te je izvršen pregled i provjera garancija, obrazaca i drugih dokumenata.

Pregledom i analizom dokumentacije koju su dostavili ponuđači, a koja je propisana u tenderskoj dokumentaciji utvrđeno je da su ponuđači dostavili dokumentaciju koja je zahtjevana tenderskom dokumentacijom.

E-aukcija je zakazana za dan 7.12.2021. godine sa početkom u 9,00 sati i isti je prema izvještaju AJN trajao do 9,34 sati. Komisija je na nastavku sjednice izvršila uvid u Izvještaj o toku i završetku e-aukcije iz kojeg je utvrdila da je postupak uspješno proveden, te je u izvještaju utvrđena konačna rang lista ponuđača koji su učestvovali u postupku, kako slijedi:

Naziv /ime ponuđača	Cijena sa otvaranja (bez PDV-a)	Evaluirana cijena (bez PDV-a)	Umanjenje cijene u %	Rang
„Elur“ d.o.o. Kiseljak	30.000,00 KM	25.970,00 KM	13,43 %	1
Konzorcijum „Lanaco“ d.o.o. Banja Luka i „Inteh“ d.o.o. Banja Luka	30.000,00 KM	26.000,00 KM	13,33 %	2
„Kamer Commerce“ d.o.o. Sarajevo	29.998,90 KM	26.500,00 KM	11,66 %	3

Kriterij za dodjelu ugovora je najniža cijena ponude.

Sarajevo, Fehima ef. Čurčića br.6, Tel: ++387 33 563 360, Fax: +387 33 563 361

Imajući u vidu sve istaknute okolnosti, komisija je sačinila preporuku broj 01-04-6-02219-5/21 od 7.12.2021 godine, koju je dostavila direktoru uprave na razmatranje, a u kojoj je predloženo da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Elur“ d.o.o. Kiseljak.

Obzirom da navedeni ponuđač uz svoju ponudu nije dostavio potvrde/uvjerenja nadležnih organa iz kojih je vidljivo da ispunjava uvjete iz člana 45. ZJN iste je dužan dostaviti u roku od 5 dana od dana prijema ove odluke, a u slučaju nedostavljanja dokumentacije u navedenom roku isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Prilikom razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR

Anis Ajdinović

Dostaviti:

1. „Kamer Commerce“ d.o.o. Sarajevo, Blažujski drum 14, 71210 Ilidža-Sarajevo
2. „Lanaco“ d.o.o. Banja Luka, Veljka Mladenovića bb, 78000 Banja Luka (za konzorcij „Lanaco“ d.o.o.- „Inteh“ d.o.o. Banja Luka)
3. „Elur“ d.o.o. Kiseljak, Žrtava domovinskog rata 2, 71250 Kiseljak
4. Sektor za materijalno-finansijske poslove
5. Sektor za tehničku podršku i plansko-analitičke poslove
6. Komsija za javne nabavke (a/a).